

## ليه

هي ليه الدنيا ملهاش  
 طعم في غيابك  
 و السما الصافية  
 بعد حزني اتعكرت  
 و الميادين حزينة  
 و الأعلام اتنكست  
 حتى العصافير  
 لغناها بطلت  
 و البيوت بقت قديمة  
 و المباني هجرت  
 كل شيء في عنيه قاتم  
 و الأمانى اتبددت  
 هو ليه الطير حزين  
 و الشجر وقعت فروعه  
 حتى البساتين قفلت ببيانها

و القلوب فقدت أمانها  
 و م الحنين اتزلزلت  
 هي ليه الدنيا ملهاش  
 طعم في غيابك  
 ليه افراحي واقفه  
 طوابير عند بابك  
 حالفة ما تعدي الجسور  
 بانية بيني و بينها  
 ألف سور  
 عارفه أنك أنت الوحيد  
 إللي قلبه جسور  
 إللي حطم كل أحزاني  
 و بدد عتمتي  
 حولها نور  
 طيب ازاي بتسأل  
 أد إيه بحتاج وجودك

و أنا طفلة لسه  
 بدور جوه حدودك  
 عايزه اطير وياك  
 و أنسى الحزن بوجودك  
 و لسه جي تسأل .  
 هو ليه الدنيا وحشه بدونك  
 طب رد أنت يا قلبي  
 بلاش أنا يمكن حروفي  
 عاجزة متسلسلة  
 وصله أن من غيره  
 كل بيانك متقفلة  
 مفضلش غير شعاع  
 صغير  
 واصل ما بين قلبي  
 و قلبه  
 مخليني في الحياة مكملة

و أني عشانه  
حاجات كثير متحملة  
و هفضل كده  
متحملة  
و لنظرة واحدة من عينه  
هعيش حياتي  
متأمله  
و مهما يلومني  
هفضل معاه  
مكملة  
لأن الدنيا فعلا  
ملهاش طعم في غيابه